

## ՄՈՆՈ ՍԱԿԱԳՆԱՅԻՆ ՓԱԹԵԹԻ ՏՐԱՄԱԴՐՄԱՆ ՀՍՏՈՒԿ ՊԱՅՄԱՆՆԵՐ

1. **«Մոնո»** սակագնային փաթեթի սույն պայմանները տրամադրվում են համաձայն սույն պայմանների 4-րդ կետով սահմանված բացառման:
- 1.1. Բաժանորդագրվելով «Մոնո» սակագնային փաթեթին 1 տարով՝ Բաժանորդը պարտավորվում է Ծառայության ակտիվացման օրվանից 1 տարի (365 օր) շարունակ օգտվել «Մոնո» սակագնային փաթեթից:  
Մեկ տարով բաժանորդագրության դեպքում՝
  - i. Wi-Fi Սարքի (ակտիվացված Wi-Fi ծառայությամբ) օգտագործման իրավունքը ներառվում է «Մոնո» սակագնային փաթեթում (Wi-Fi Սարքը (ակտիվացված Wi-Fi ծառայությամբ) տրամադրվում է առանց վճարի գանձման):
  - ii. Բաժանորդը ստանում է իր սակագնային փաթեթի պայմաններով սահմանված ինտերնետի հիմնական արագության համեմատ եռակի ավելի բարձր արագություն պարտադիր տարեկան բաժանորդագրությամբ Ծառայությունների ակտիվացման պահից սկսած 1 տարի (365 օր) շարունակ:
  - iii. Բաժանորդը ստանում է 100% զեղչ առաջին ամսվա ամսավճարի համար, այսինքն՝ տվյալ սակագնային փաթեթով նախատեսված հիմնական Ծառայություններն առաջին ամսվա ընթացքում տրամադրվում են առանց վճարի գանձման<sup>1</sup>, Wi-Fi Սարքի օգտագործման իրավունքը Բաժանորդի համար պահպանվում է նաև «Մոնո» սակագնային փաթեթի պայմաններով սահմանված (1 տարի) ժամկետի ավարտից հետո, եթե Օպերատորի և Բաժանորդի միջև կնքված պայմանագիրը մնում է ուժի մեջ, և Wi-Fi Սարքը անհրաժեշտ է Բաժանորդին Ծառայություններ մատուցելու համար: Օպերատորի և Բաժանորդի միջև պայմանագրի դադարեցման (միակողմանի կամ երկկողմանի) դեպքում Wi-Fi Սարքը ենթակա է վերադարձման Օպերատորին:
- 1.2. Եթե Բաժանորդը սույն պայմանների կետ 1-ով սահմանված կարգով միացել է Ծառայություններին և Ծառայությունների՝ անվճար տրամադրման ժամանակահատվածում ժամանակավորապես կասեցնում է Ծառայությունները, ապա Ծառայությունների՝ անվճար տրամադրման ժամանակահատվածը չի երկարաձգվում կասեցված ժամանակահատվածի տևողությամբ:
- 1.3. Եթե Բաժանորդը միացել է սույն պայմաններով սահմանված կարգով և Ծառայությունների անվճար տրամադրման ժամանակահատվածում կատարում է սակագնային փաթեթի փոփոխություն՝ անցում կատարելով «Մոնո» սակագնային փաթեթի որևէ սակագնի, «Դուռ Կոմֆորտ» սակագնային փաթեթին կամ «Տրիո» ծառայությունների փաթեթին ապա շարունակում է անվճար օգտվել նոր սակագնային փաթեթով տրամադրվող Ծառայություններից մինչև դրանց անվճար տրամադրման համար ի սկզբանե սահմանված ժամանակահատվածի ավարտը՝ անկախ նոր սակագնային փաթեթի ամսավճարի չափից:
- 1.4. Եթե Բաժանորդը միացել է սույն պայմաններով սահմանված կարգով և Ծառայությունների անվճար տրամադրման ժամանակահատվածում վերակնքում է Բաժանորդային պայմանագիրը «Մոնո» սակագնային փաթեթի որևէ սակագնի, «Դուռ Կոմֆորտ» սակագնային փաթեթի կամ «Տրիո» ծառայությունների փաթեթի շրջանակներում, ապա շարունակում է անվճար օգտվել նոր սակագնային փաթեթով տրամադրվող Ծառայություններից մինչև դրանց անվճար տրամադրման համար ի սկզբանե սահմանված ժամանակահատվածի ավարտը՝ անկախ նոր սակագնային փաթեթի ամսավճարի չափից:
- 1.5. Եթե Բաժանորդը սույն պայմանների կետ 1.1.-ի **ii** ենթակետում նշված կարգով ստացել է ինտերնետի եռակի արագացում և կատարում է սակագնի/սակագնային փաթեթի փոփոխություն (չդադարեցնելով տարեկան բաժանորդագրության պայմանը)՝ անցում կատարելով «Մոնո» սակագնային փաթեթի մեկ այլ սակագնի, «Դուռ Կոմֆորտ» սակագնային փաթեթին կամ «Տրիո» ծառայությունների փաթեթի որևէ սակագնային փաթեթի, ապա շարունակում է օգտվել ինտերնետի եռակի արագությունից մինչև դրա համար նախկին սակագնային փաթեթով/սակագնով սահմանված վերջնաժամկետի ավարտը, եթե նոր սակագնի/սակագնային փաթեթի ամսավճարը առնվազն նախկին սակագնի/սակագնային փաթեթի ամսավճարի չափ է, և անցումը կատարվում է մինչև ինտերնետի եռապատկված արագության գործողության վերջնաժամկետի ավարտը: Յուրաքանչյուր այլ տեսակի սակագնային փաթեթի փոփոխություն կատարելու դեպքում սույն պայմանների կետ 1.1.-ի **ii** ենթակետով տրամադրված ինտերնետի եռակի արագության պայմանը դադարում է գործել նոր սակագնային փաթեթի շրջանակում:
- 1.6. «Մոնո» սակագնային փաթեթին բաժանորդագրության դեպքում պայմաններով սահմանված կարգով Ծառայությունների մատուցման ժամանակավոր կասեցման կամ վճարումների ուշացման պատճառով Ծառայությունների մատուցման

<sup>1</sup> Սույն կետի իմաստով անվճար ամիս է համարվում ծառայությունների ակտիվացման օրվանից սկսած մինչև հաջորդող ամսվա նույն օրը ընկած ժամանակահատվածը: Սույն կետով սահմանված պայմանը գործում է բացառապես նոր բաժանորդների համար:

կասեցման դեպքում սակագնային փաթեթին բաժանորդագրության ժամկետը երկարում է Ծառայությունների մատուցման կասեցված ժամանակահատվածի տևողությամբ, սակայն չի երկարում սույն պայմանների կետ 1.1.-ի **ii, iii** ենթակետերով տրամադրվող առավելությունների:

- 1.7. «Մոնո» սակագնային փաթեթին բաժանորդագրության պարտադիր ժամկետը համարվում է ավարտված այն դեպքում, եթե Բաժանորդն օգտվել է մատուցված Ծառայություններից դրանց ակտիվացման օրվանից սկսած առնվազն տասներկու ամիսների (365 օրացուցային օրերի) ընթացքում:
- 1.8. Եթե Բաժանորդը բաժանորդագրվել է «Մոնո» սակագնային փաթեթին մեկ տարով և Բաժանորդային պայմանագրի գործողությունը դադարեցվում է՝ Բաժանորդի գործողությամբ կամ անգործությամբ պայմանավորված մինչև սահմանված պարտադիր ժամկետի ավարտը, ապա Բաժանորդը պարտավորվում է Օպերատորին ամբողջությամբ վճարել ընթացիկ պարտքը և տուգանք 15 000 (տասնհինգ հազար) ՀՀ դրամի չափով: Ֆիզիկական անձանց համար- Բաժանորդի կողմից Բաժանորդային պայմանագրից միակողմանի հրաժարման դեպքում Օպերատորի կողմից Բաժանորդային պայմանագրի լուծում կատարվում է բացառապես Բաժանորդի կողմից մինչև Բաժանորդային պայմանագրի լուծման (դադարեցման) օրը իրեն մատուցված Ծառայությունների արժեքի, ներառյալ ամսական բաժանորդային վճարի, ինչպես նաև Բաժանորդային պայմանագրի միակողմանի լուծման համար Օպերատորի կողմից նախատեսված այլ վճարումների (տույժերը, տուգանքները, հրաժարագին), եթե այդպիսիք առկա են, իրականացման դեպքում:
2. Սույն պայմաններով սահմանված կարգով Ծառայություններն անվճար չեն տրամադրվում գործող Բաժանորդների կողմից պայմանագրի վերակնքման դեպքում:
3. Սույն պայմաններով սահմանված պայմանների շրջանակում անվճար չեն տրամադրվում Բաժանորդի կողմից ակտիվացված հավելյալ ծառայությունները:
4. Սույն պայմանները գործում են բացառապես այն ֆիզիկական անձ բաժանորդների համար, ովքեր «ՋԻԷՆՍԻ-ԱԼՖԱ» ՓԲԸ կողմից մատուցվող ինտերնետի ծառայություններին միացել են «ՋԻԷՆՍԻ-ԱԼՖԱ» ՓԲԸ- ը և գործընկեր անհատ ձեռնարկատերերի միջև կնքված R հերթական համարներով թվագրվող ծառայությունների մատուցման պայմանագրերի շրջանակներում: